



Bosna i Hercegovina
Босна и Херцеговина
Regulatorna agencija za komunikacije
Регулаторна агенција за комуникације



Broj: 04-35-1-2155-48/16
Sarajevo, 10.11.2016. godine

BOSNA I HERCEGOVINA
PARLAMENTARNA SKUPŠTINA

Predstavnički dom
n/r predsjedavajućeg

Dom naroda
n/r predsjedavajućeg

Trg BiH 1
71 000 Sarajevo

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO: 11-11-2016			
Organizaciona jedinica	Klasifikaciona oznaka	Redni broj	Broj priloga
01,02-	29	-2889/16	

Predmet: Rang-liste kandidata za članove Upravnog odbora Javnog radiotelevizijskog servisa Bosne i Hercegovine iz reda bošnjačkog, hrvatskog i srpskog naroda - *dostavlja se*

Parlamentarna skupština Bosne i Hercegovine je, na 36. sjednici Zastupničkog doma, održanoj 22.11.2012. godine, i na 23. sjednici Doma naroda, održanoj 4. i 6.12.2012. godine, donijela Odluku o imenovanju članova Upravnog odbora Javnog radiotelevizijskog servisa Bosne i Hercegovine (UO BHRT), i to: Esad Gotovuša za člana UO BHRT iz bošnjačkoga naroda, Vladimir Marčeta za člana UO BHRT srpskoga naroda i Valentina Rupčić za članicu UO BHRT iz hrvatskoga naroda („Službeni glasnik BiH“, broj 98/12), na mandat u trajanju četiri godine.

Imajući u vidu da mandat imenovanih članova UO BHRT ističe 10.12.2016. godine, u skladu sa nadležnostima i obavezama Regulatorne agencije za komunikacije (Agencija) iz člana 39. Zakona o komunikacijama („Službeni glasnik BiH“, br. 31/03, 75/06, 32/10 i 98/12) i čl. 25, 26. i 36. Zakona o javnom radiotelevizijskom servisu Bosne i Hercegovine („Službeni glasnik BiH“, br. 92/05 i 32/10), Vijeće Regulatorne agencije za komunikacije (Vijeće Agencije) je raspisalo Konkurs za članstvo u UO BHRT iz reda bošnjačkog, hrvatskog i srpskog naroda (Konkurs), koji je 10.08.2016. godine objavljen u „Dnevnom avazu“, „Oslobodenju“, „Glasu Srpske“, „Nezavisnim novinama“, „Večernjem listu“ i „Dnevnom listu“ te na web stranici Agencije www.rak.ba, a naknadno i u „Službenom glasniku BiH“ i „Službenom glasniku Brčko Distrikta“.

Po isteku roka za podnošenje prijava na Konkurs (24.08.2014. godine) izvršen je pregled svih prispjelih prijava kandidata sa aspekta njihove blagovremenosti i potpunosti, te je konstatovano da je podneseno ukupno 21 prijava, od kojih su 14 prijava potpune, 6 prijava nepotpune i 1 prijava neblagovremena.

Nakon što je Vijeće Agencije utvrdilo koje prijave kandidata su blagovremene i potpune, odnosno ispunjavaju formalno-pravne uslove, kao i uslove propisane čl. 25. stav (2) i 26. stav (2) Zakona o Javnom radiotelevizijskom servisu BiH, u smislu da su državljani BiH i da ne postoje propisane prepreke za imenovanje, a u skladu sa standardima i rokovima iz Zakona o ministarskim imenovanjima, imenovanjima Vijeća ministara i drugim imenovanjima BiH („Službeni glasnik BiH“,

broj 37/03), Vijeće Agencije je, u dane 18. i 21. oktobra 2016. godine, u sjedištu Agencije u Sarajevu, obavilo intervju sa 13 kandidata čije su prijave zadovoljavale navedene uvjete:

- sa 3 kandidata iz reda **bošnjačkog** naroda: Emir Hadžimuratović, Zehrudin Isaković i Mufid Memija (kandidat Zlatko Topčić je putem telefona obavijestio Vijeće Agencije da je odustao od prijave),
- sa 5 kandidata iz reda **hrvatskog** naroda: Drago Martinović, Anton Vidačak, Zoran Krešić, Antonio Beus i Ilija Musa,
- sa 5 kandidata iz reda **srpskog** naroda: Rade Simović, Vesna Rodić, Miloš Jokić, Dejana Radovanović Šarenac i Diana Radić.

Prilikom intervjua članovi Vijeća Agencije su kandidatima postavljali pitanja u vezi s propisima koji regulišu nadležnosti i rad UO BHRT-a, odnosno funkcionisanje javnih RTV servisa, oblast emitovanja, u smislu poznavanja domaće legislative, ali i evropskih programskih standarda, procesa uspostave digitalne radiodifuzije, te pitanja u pogledu uočavanja problema i načina prevazilaženja istih kada je u pitanju funkcionisanje javnih RTV servisa sa tehničkog, finansijskog i programskog aspekta.

Pored relevantnosti profesionalnog zvanja, odnosno stepena obrazovanja, te stečenog iskustva kandidata potrebnih za kvalitetno obavljanje pozicije člana UO BHRT-a, Vijeće Agencije je ocjenjivalo kandidate i na osnovu stepena pokazanog razumijevanja politike javnog emitovanja i funkcionisanja javnih RTV servisa, odnosno njihovoj međusobnoj povezanosti, te znanja i upućenosti u navedene oblasti na koja su se odnosila postavljena pitanja, kao i opšteg utiska o kandidatima.

Nakon obavljenog intervjua, Vijeće Agencije je na sjednici održanoj 7. novembra 2016. godine, putem glasanja, većinom glasova utvrdilo rang-liste kandidata koji su se prijavili na konkurs i koji su ispunjavali formalno-pravne kriterije, kako slijedi:

I Rang-lista kandidata za članstvo u UO BHRT iz reda **bošnjačkog** naroda:

1. Hadžimuratović Emir
2. Isaković Zehrudin
3. Memija Mufid

II Rang-lista kandidata za članstvo u UO BHRT iz reda **hrvatskog** naroda:

1. Krešić Zoran
2. Musa Ilija
3. Beus Antonio
4. Martinović Drago
5. Vidačak Anton

III Rang-lista kandidata za članstvo u UO BHRT iz reda **srpskog** naroda:

1. Dejana Radovanović – Šarenac
2. Simović Rade
3. Rodić Vesna

S poštovanjem,

- Prijave kandidata

- naslovu
- arhiva

